




中國大事記



民國五年十一月二十日

●伊犁鎮守使處分俄國逃哈……俄屬哈薩逃入新疆伊犁。俄國領事會要求伊犁鎮守使交出。經鎮守使派參謀長牛時前往查辦。現該員已在逃哈氈房內搜出所虜俄國婦女及槍械等件。並傳各逃哈頭目。令其悔罪切結。限期齊集交付俄國軍官。

●蒙匪進佔烏珠穆沁……蒙匪巴布扎布餘黨塔布扎。由哈拉哈地方進攻。佔東西烏珠穆沁旗。兩旗蒙王及蒙戶。均皆逃避。

同 二十一日

●國會通過中美實業借款案……政府與美國資本家商定。借美金五百萬元。由財政總長陳錦濤於二十一日二十三。先後出席衆議院及參議院。要求開秘密會。提出中美借款合同。請爲同意。均經當時通過。其合同旋被北京報紙洩漏。當由京師地方檢察廳依法檢舉。據報載合同內容如左。

32671
一、借款數目爲美金五百萬元。其名義充實業之用。供改良國

內事業及中交兩行之準備金及兌現之用。

二、期限三年。利息六釐。從本年十一月一日起。付第一次利息。若於一九一七年十一月一日以前償還。則除正項利息以外。再加謝禮利息一釐。若於期限前七閱月償還。則加付五毫利息。

三、政府以煙酒公買稅爲抵押。在借款未償還時。債權者有此項抵押之優先權。

四、國庫債票價定爲九七。概加預付借款之利息。售出時若價超過九七。則銀行與政府均分之。

五、國庫債票及息摺。概免賦稅。

六、每百元實收九一外。另加預付借款之利息。除第四項規定者外。所有一切純利。皆歸銀行。

合同簽字後五日之內。銀行先交付政府四百五十萬元。

七、借票息摺遺失時。可以補給。

八、銀行接收利息時。由政府給與該利息款額千分之五。接收

32672

借本時。與千分之二五。以爲手數料。

九、如將來中國政府再欲向美國續借款項時。該銀行得享優先權。其條件及數目。臨時定之。但此項優先權。以續借至美金二千五百萬元爲限。且自中國政府通告續借之日起。該銀行須在六十日以內明答允借與否。過此期限。不與答覆。政府得隨意借款。

十、政府關於本合同一切手續。悉與中國約章法律相符合。無論何種條件契約等。概不違背。

十一、本合同由駐美華使遵承中國財政總長委託全權之電報。代表政府簽字。該電報已照會駐北京之美使。

●北京陸軍大學舉行畢業禮……陸軍大學開辦於民國元年。本年舉行第二次畢業。畢業軍官共百二十員。本日大總統特蒞校行親授證書典禮。

同 二十二日

●任命張國淦爲國務院祕書長……原任祕書長徐樹錚陳請辭職。奉令准免本職。

●四國銀行團向政府抗議中美借款……英法俄日四國銀行團。因我國與美國商訂借款合同。特向財政部提出抗議書。略謂據民國二年第一次善後借款契約所規定。四國銀行團有政治借款之優先權。此次中美實業借款。確係帶有政治借款之性質。不得僅認爲實業借款。實屬侵害銀行團之權利。旋經政府答覆。謂

此項借款。專供中國銀行兌換準備等實業上之用途。並無政治性質。且民國二年之契約。乃我國政府與五國銀行團所締結。今之四國銀行團。爲與德國分離之別一團體。約中所載優先權。亦早失效力。故不能承受抗議。但四國銀行團不以我國答復爲然。仍繼續提出抗議。

●廣東有獎義會延期停止……廣東有獎義會。自奉中央下令停止後。省長朱慶瀾。以本省財政枯竭。勢難卽行停止。電請仍照原定三年期限。俟限滿停止。當經國務院電准續辦三個月。復由省長電請再予通融續辦一年。并由廣東財政廳布告招商投標承辦。經國會向政府提出質問。當由政府答覆。謂有獎義

會。雖性類籤捐。尙非真正賭博。該會年餉。已經列入該省預算。故不得不展緩限期。俟籌定抵款。再行停辦。

●黑龍江中俄軍誤擊交涉……北滿鐵路哈拉溝車站。有俄商被匪劫去馬八十餘匹。經呼倫貝爾俄領事署協同蒙古都統派兵追勦。至索倫山附近。誤認我國駐軍爲匪。我軍亦誤認俄蒙兵爲匪。互相攻擊。當擊斃俄蒙兵各一名。現經駐黑龍江俄領事向交涉署提起交涉。

同 二十三日

●財政部呈准將各省菸酒厘稅歸併公賣……財政部因各省菸酒厘稅。名目繁多。徵輸不易。特呈請歸併公賣。以備統一。本日奉指令照准。

●內務部呈准將雲南他郎縣更名墨江休納縣更名玉溪……雲南省長前據他郎休納兩縣紳民先後稟稱。他郎本村寨之名。休納係部落之稱。詞欠雅馴。請予更名。當將他郎縣更名墨江。休納縣更名玉溪。咨請內務部備案。本日由部呈請大總統照准。

●黑龍江青岡兵變……黑龍江駐青岡縣第三營第八連騎兵。因與該地匪徒勾通。於本日夜間譁變。大肆搶掠。由第四旅第八團團長率兵前往勦捕。當將叛兵擒獲三十餘名。一律正法。

同 二十四日

●任令文羣爲農商次長

●衆議院否決內務總長同意案……內務總長孫洪伊免職後。政府以擬任任可澄爲內務總長案。咨請衆議院同意。本日經衆議院投票表決。以多數不同意否決。

同 二十八日

●司法會議閉會

●義國駐京公使呈遞國書……義國政府。將前任駐京公使調回本國。新任阿略第爲駐京公使。於本日覲見大總統。呈遞國書。

●駐京法使抗議中美借款……駐京法使。以中美借款抵押品之煙酒稅。其一部分會充中法實業銀行之抵押。向我國政府提出抗議。當經政府答復。謂此次中美借款之抵押品。係全國煙酒公賣稅。與前充中法實業銀行抵押浙江等省之煙酒稅。並不相涉。

同 二十九日

●陝西省議會照常開會……陝西省議會前因被人搗毀休會。現據省長咨覆。已將搗毀罪犯提交法庭。即於本日開議。

同 三十日

●公布參議院議員第一班改選日期令……令見法令門。

●令撥款振卹福建火災……福建南台洋中亭地方。於本月十五日失慎。焚去民居鋪戶二千家之多。經督軍兼署省長李厚基電請振卹。令由財政部撥銀一萬圓。發交該兼省長委員散放。

●天津法人拘罷工華人……天津法界華工。因老西開交涉罷工。本日本有罷工華人二十餘人。爲法工部局所拘。

十二月 一日

●訓令內務部執行平政院裁決行政訴訟案……內務部停職人員祝書元等。前在平政院。呈訴該部總長違反法令。擅退部員。經平政院裁決內務部之處分應予取銷。前內務總長孫洪伊。不承認該院裁決。本日本總統始訓令內務部。查照原裁決書執行。

●駐京英法公使抗議中美借款……駐京法公使及英國代理公使。向我國政府抗議中美借款。謂一九零八年中國與英法所訂修築京漢鐵路借款。曾以直隸河南湖北三省之煙酒稅爲擔保。今中美借款。又以煙酒稅爲抵押品。實與兩國權利有礙。

同 二日

●處分衆議院咨請查辦河南省長田文烈案……衆議院日前通過

32674

查辦河南省長田文烈案。咨請政府查辦。當經國務院派員前往河南確查。旋據覆稱。已將交查各款查明。請予分別懲處。本日奉大總統令。河南省長田文烈。既查無溺職殃民情事。免予置議。政務廳長陶珙。人地不宜。著即免職。卸任財政廳長顧歸愚。辦理捐稅。多涉繁苛。警務處長王景福。各項報銷。任意浮濫。均著該省長督同新任財政廳長王荃本。覈明收支各款。有無侵蝕情弊。再行呈明辦理。河防局呂耀卿。署禹縣知事李汝勤。前潢川縣知事朱正本。安陽縣知事龐毓桐。開封縣知事張嘉淦。許昌縣知事曹慕時。均著交文官懲戒會依法議處。

●內務部呈准冬至祀天典禮從緩舉行……內務部因祀天通禮。按照規制。有未盡適合之處。現在祀期伊邇。特呈請援照上年成案。將本屆祀天典禮。暫緩舉行。本日奉指令照准。

●交通部召集全國交通會議……交通部為謀交通事業進步起見。特召集全國路電各機關代表。在北京舉行交通會議。本日在西長安街鐵路協會開會。

●浙江省議會開臨時會……浙江省議會。因常會期內豫算案未及提出。特於本日開臨時會。議全省歲出歲入豫算案。

●廣東香山械鬪案……廣東香山黃梁鎮。民性素稱強悍。最近有陳梁鄺吳林等姓。與黃張殷楊等姓發生械鬪。陳梁等姓焚燬殷楊等姓村場六處。傷斃千餘人。經縣知事帶隊彈壓。竟敢與官兵抵抗。當由省署電令鎮守使派軍前往鎮懾。並籌善後事宜。

同 三日

●日人在奉天境內被匪戕殺交涉……日人桂姓等九人。前因未領護照。私赴內蒙。至開原地方失蹤。經駐鐵嶺日領事向交涉局交涉。當允撫卹了事。最近又有日商三人。未領護照。攜資赴內蒙探伐森林。在蒙地被匪劫去資金。並將一人鎗斃。餘二人逃回遼源。報告該地日本領事。日領又向我國提起交涉。

同 五日

●公布延長國會會期……本屆國會會期。現屆期滿。經國會議決延長會期至第三屆常會之前一日為止。咨請政府公布。本日奉大總統令公布。

●中日改訂吉長鐵路草約……吉林省城至南滿長春之鐵路。前清光緒三十三年時。曾與日人訂立借款自築之約。經光緒三十四年宣統元年兩次修改。向南滿鐵道會社借日幣二百五十萬元。以該路財產及收入為担保。最近日人復要求改訂。將該路歸日人代辦。已由交通部與日人訂立草約。聞交通總長葉在衆議院開秘密會議。提出該約。其內容據日報所載。大略如左。

(一)借款金額。日金六百五十萬元。(除照舊約已付二百五十萬外現交四百五十餘萬元)年利五厘。實收九十一元半。

(二)償期四十年。

(三)以本路財產及收入擔保借款。本路不能支付。政府又不能籌還時。應將本路一切產業。交會社管理。

(一) 政府置局長監督業務。在借款期內。委託會社代為指揮經理。俟清償後交還。

(二) 選任日人三名。充工務運輸會計之主任。就中選一人為代表。執行會社權利義務。

(三) 主任以外職員。由局長及會社代表協定。

(四) 本路淨利。以二成分配於會社。

(五) 運費及進款。用中國貨幣。存於日本銀行。

(六) 本路機件材料。儘先購用中國品。

(七) 警察行政司法課稅權。屬於中國。

(八) 中政府將來如因延長本路。或添設支線。資金不足時。須儘先照會會社。商量借款。

●山東濰縣民軍之互攻……山東濰縣民軍東北軍司令居正。及第三團團長王冠臣。與第二旅旅長趙仲玉衝突。本日本在城內互相攻擊。居民大遭損害。趙仲玉旋即敗退。濰縣知事左雨農。為王冠臣所拘。

同日 六日

●哈爾濱俄人擊斃華工交涉……哈埠英商出口商行所雇華人。本日本因細故與守門印捕衝突。商行執事人遽召俄兵干涉。傷斃華工甚衆。駐哈外交部特派交涉員當向英俄兩國領事提出交涉。

同日 八日

●兩院憲法會議議員衝突……兩院憲法會議。於本日開憲法審議會時。憲法研究會派議員。與益友社派議員。因爭執省制大綱加入憲法問題。互相衝突。竟至鬭毆。議員劉崇佑籍忠寅陳光燾張金鑑均受傷。當向京師地方檢察廳狀訴被劉成禺陳策等九人傷害。經檢察廳提起公訴。並呈請政府咨行議會澈查。

●河南鞏縣建築兵工廠……湖北漢陽兵工廠。在河南鞏縣建築兵工廠。於八日落成。即由漢陽運機器至新廠。定明年開工製造礮彈及彈藥。

●奉天發見鐵血團……奉天有楊某等因對於此次中日鄭家屯交涉。異常憤激。特組織一鐵血團。謀以實力抵抗日本。當被督軍公署查悉。將該團領袖捕獲數十人。下獄訊辦。

同日 九日

●中日借款條約限滿廢約……財政農商部。於九月間向日商與亞公司借款五百萬圓。以安徽太平山湖南水口山兩礦為擔保。嗣因國會反對停頓。該約原訂與亞公司擔任於三個月內促成大借款。如三個月內大借款不成。立時即將合辦湘皖兩礦條件解除責任。現距立約之日。已滿三個月。農商總長特咨呈國務院。並聲明原約擔保一層。業已無效。當經國務院依照原呈辦理。並令財政部另提擔保品。與日商開議。并聞已與興亞公司訂定新約數條。(一)中政府如需外款開水口銅官兩礦時。與亞公司有優先權。(二)政府應賠償公司三十萬元。(三)中日兩代表。九

32676
月十日所簽合同作廢。(四)日本墊款。中國應另覓抵押品。

同 十日

●令將海珠會議與難諸人生平事蹟宣付國史館立傳……令曰。前中國銀行總裁湯叔。陸軍少將譚學夔。原任廣東警察廳長王廣齡。廣州商團總董岑伯著。護國軍司令呂仲明。前清道員左小藩等。奔走國事。慘遭海珠之變。實堪憫惻。當經令飭陸軍部查明死事情形。一體從優議卹。又據唐繼堯岑春煊梁啟超等。電請將湯叔等特予表彰。優卹遺族。並經發交該部核辦在案。茲據呈覆。查明各該員等死難事實。按照陸軍卹賞章程。分別議給遺族卹金。又從優請給治喪費。並請將各該員生平事蹟。宣付史館立傳等情。湯叔等一意救時。志行卓絕。同摺世變。各有抱冰握火之忱。等諸國殤。早下志士仁人之泣。噫茲簡冊。宜播靈芬。着即將各該員等生平事蹟。宣付國史館立傳。以昭義烈而示來茲。餘均如擬辦理。此令。

●兩廣礦務督辦龍濟光抵瓊……龍濟光自退出廣州城。率所統振武軍暫駐虎門。現已於本日抵瓊州島。

●全國禁煙聯合會在京開會……全國禁煙聯合會。因烟約期迫。急須預籌善後。特在京開全國禁煙大會。各省省長公署均派員與會。

同 十一日

●外交部呈准大總統補押宣告加入海牙保和會海戰各約及陸軍

規例文件……海牙第二次保和會議訂海戰各約。於上年二月間。由海軍交通部會呈前大總統補押。又第二次保和會修正陸戰規例條約。於上年十二月間。由外交部呈請前大總統補押。並經外交部先後電達駐和公使唐在復遵照。唐使旋函外交部。稱據和外部稱應援未簽押國加入之例。須備元首簽押之加入文件。由中國公使照送和政府。並將海戰原約四分。陸戰規例條約一分。咨送到部。當由部擬就宣告加入文件。連同約本。呈請大總統簽押。蓋用國璽。本日奉大總統指令。應准補行簽押。即由該部行知唐在復遵照辦理。

同 十二日

●歸綏匪首盧占魁投誠……匪首盧占魁。自陝北東竄。聚衆擾亂。將及二年。綏遠都統蔣雁行。自到任後。力主痛剿。現該匪因累次失利。勢甚窮蹙。特懇託比國丁南兩教士介紹投誠。經蔣雁行擬定收撫辦法。電請中央核辦。

●奉天日人改築南滿鐵路雙線交涉……日本南滿鐵道會社。近在瀋陽縣南滿鐵路路線外之民田。挖取泥土。謀築雙線。經該地人民在省長公署呈控。當由省長派瀋陽縣知事前往查勘後。即擬向日本提出交涉。

同 十三日

●特派熊希齡前往日本呈遞大勳章……大總統現擬以大勳章贈送日本天皇。曾與日本商定派曹汝霖前往呈遞。嗣被國會聞悉。

向政府表示反對。本日下午特派熊希齡前往。旋駐京日使復照會我國外交部。請熊專使緩行。

●交通部呈准取銷各路長期免票……交通部以現在國有鐵路所負內外各債。共計五萬萬六千餘萬元。每年出入不敷。計一千八百萬元。而各路每年所發之長期免費乘車券。即通稱之長期免票。據各路所定之價目核之。計達四百萬元。以每年一千八百萬元之不敷。免票一項。幾占四分之一。其影響路政。減少收入。不謂不巨。茲爲填補虧累起見。特呈請自明年一月一日起。凡從前所發之長期免票。一律廢止。以後永不再發。本日奉大總統指令照准。

同 十四日

●山東民軍收束……山東高密昌樂濰縣東北軍司令居正所領各軍隊。現已編遣就緒。本日由居正通電宣告取消東北軍名義。

同 十五日

●大總統赴保定軍官學校舉行畢業禮……保定軍官學校步騎砲工各科。及獸醫學校。舉行第一次畢業。大總統特親赴保定蒞校行畢業禮。即於當日返京。

同 十六日

32677 ●安徽省議會反對裕繁鐵礦與日人合辦……安徽繁昌縣裕繁鐵礦公司。於民國三年成立。其經理霍守華。近以個人名義。與日商天津中日實業公司。訂約合辦。並私借日款。建築專用鐵

路。呈請交通部批准。現經省議會提案反對。當由省長電請交通部將裕繁公司請築專用鐵路案註銷。並派員澈查該礦情形。再行核辦。

●蒙匪攻佔科爾沁旗……蒙匪巴布扎布餘黨塔布扎。自佔據東西烏珠穆沁旗後。進攻洮南。本日復進佔科爾沁右翼前旗。該旗王公均出走避之。

同 十八日

●各省選舉第一班改選參議員……各省省議會選舉第一班改選之參議院議員。前奉大總統公布教令。定本日舉行。經各選舉監督遵期辦理。直隸、奉天、吉林、黑龍江、安徽、江西、浙江、福建、湖南、山東、山西、陝西、甘肅、廣東、雲南、貴州等省。均如期選定。湖北屢次繼續選舉。至翌年一月三日始行選定。其餘各省。多延期選舉。事後直隸、奉天、吉林、黑龍江、山東、山西等省。均發生選舉訴訟。衆議院議員王葆真。因喧傳本屆選舉。有行賄情事。在議院提出質問案。

●公布國葬法……法見法令門。

●日在廈門設警交涉……日本前在福建廈門設警察派出所。經福建交涉員向日領事交涉。尚未撤退。外交部特照會駐京日使。提出抗議。要求撤退。旋經日使答覆。謂根據南京條約。開放廈門全部。日本在廈門設警。行使領事裁判權。並非違約。

同 十九日

32678

●令禁軍人入黨……令曰。軍人入黨之禁。各國所同。頻年以來。迭頒明令。經茲政變。慮弛前防。既妨政團演進之精神。更違軍人服從之天職。危害國家。胡可勝言。茲特重申前令。

凡我軍人。一律不得置身黨會。專心壹志。張我國維。其各軍長官。尤宜體會時艱。以身作則。隨時督察勸諭。俾各曉然斯意。以副本大總統諄切誥誡之至意。此令。

●令新疆添設塔城道尹……令曰。新疆省着添設道尹一缺。駐扎塔城縣。原設之塔爾巴哈台參贊一缺。着即裁撤。所有該參贊原管之蒙哈等事務及交涉各職權。均由該道尹循舊辦理。此令。

●國務總理呈准擬訂副總統公文程式……國務院前准馮副總統函商。此後副總統往來公文。應用何種程式。當經國務會議議決。凡副總統與大總統行文用公函。對於國務總理及各特任官行文用咨。國務總理及各特任官對於副總統行文用咨呈。其餘各官署對於副總統行文用呈。至對於現在副總統兼領之督軍。往來公文。仍照公文程式辦理。本日奉旨令照准。

●財政部與保利公司訂定借款及鍊錢合同……財政部向全國商會聯合會組織之保利銀公司。借款五百萬元。與以收鍊制錢之權利。於本日訂立借款合同及收鍊制錢合同各一份。並將合同提交國會。要求通過。

●江蘇省議會閉會

同 二十日

●任命劉式訓爲外交次長……原任夏詒靈呈准免職。

●直隸山東江西等省省議會閉會

同 二十一日

●公布民國紀念日修正案……國會議決案。見次期法令門。

●北京發生憲法促成會……北京有孫熙澤等。組織憲法促成會。發表宣言書。並通電各省。經參議院以其擾亂國憲。向政府提出質問。司法總長答稱已令總檢察廳提起公訴。該會旋復於翌年一月七日。在京開成立大會。並舉孫熙澤爲會長。趙鵬圖吳兆桓爲副會長。

●駐京美使迭交美政府提議歐洲和議牒文……歐洲戰事蔓延。至今已逾二載。最近德奧兩國。有主張息戰之意。美國政府。特照會聯盟各國及歐洲中部各交戰國政府。提議和平。本日。駐京美使將此項照會送交我國政府。當經外交部照復。稱對於來咨。極端表示滿意。深願贊助云。

●俄人在蒙捕獲德人交涉……外交部據新疆官吏報告。有德國被虜戰士。由西北利亞囚營逃至庫倫。爲我國所獲。押送來京。以便照公法看管。行至蒙古新疆交界處。突被俄兵強行奪去鎗斃。此舉顯違國際公法。當由部向駐京俄使交涉。俄使則謂實因該德兵扮作商人。意圖窺探俄軍。故被俄兵捕獲。並以該處官吏指爲侵犯中立。殊屬有損邦交。當由部電致該處官吏。再

行確查。

同 二十二日

●令內務部辦理黃興蔡鍔國葬典禮……故勳一位陸軍上將黃興蔡鍔。經國會議決應予舉行國葬典禮。本日奉令。著內務部查照國葬法辦理。

●令財政部撥銀賑濟在墨被難華僑……外交部據駐美公使顧維鈞電稱。在墨被難華僑。急宜保護賑濟。呈請撥款拯救。奉令著財政部迅撥帑銀折合美金二萬五千元。匯交該使妥為賑濟。

同 二十三日

●雲南學生與巡警之衝突……雲南於近日舉辦首義紀念會。有講武學校學生。與巡警發生衝突。聚眾互相毆擊。巡警因傷斃命者數人。

同 二十四日

●外蒙又向俄國借款……外蒙政府自民國元年以來。屢向俄國借款。近復與俄國訂約。借俄金三百萬盧布。以車臣汗部之金礦為抵押。計連前所借者。共三千萬盧布。其迭次所借數目如下。

息借年代

息借數目

民國元年一月

三〇〇〇〇〇〇〇盧布

同 年三月

二〇〇〇〇〇〇〇

32679 同 年十月

五〇〇〇〇〇〇〇

民國二年五月	五〇〇〇〇〇〇〇
民國三年八月	五〇〇〇〇〇〇〇
民國四年二月	二〇〇〇〇〇〇〇
同 年六月	一〇〇〇〇〇〇〇
民國五年一月	四〇〇〇〇〇〇〇
同 年十二月	三〇〇〇〇〇〇〇
合計	三〇〇〇〇〇〇〇

同 二十五日

●公布雲南第八選區補選衆議院議員日期令……令見次期法令門。

●慶祝雲南起義紀念……本日為雲南起義日。前經定為紀念日。京外各官署。均遵例放假休息懸旗慶祝。雲南復舉行首義紀念會以誌歡賀。

同 二十六日

●衆議院通過內務總長同意案……內務總長孫洪伊免職後。經政府在衆議院提出擬任任可澄為內務總長同意案。當被否決。茲復擬任張國淦為內務總長。咨請同意。本日投票表決。以二百二十五對一百九十九之多數通過。

●浙江發生軍警風潮……浙江新任警察廳長傅其永。於本日到廳受事。突被部下毆擊致傷。各署長警均因反對廳長。一律罷岡。省中上級軍官張載揚周鳳岐俞煒李煒章董紹祺韓紹基顧乃

32680

斌及警務處處長夏超等。同日向中央電請辭職。督軍呂公望。亦託病電請免職。省城戒嚴。

●交通會議閉會

同 二十七日

●奉天省議會閉會

●福建開闢嵩嶼爲商埠……嵩嶼與廈門相距八十餘里。爲晉安鐵路經過必由之路。近由廈門商民及南洋華僑。籌定的款。稟准福建省長。將該地開作商埠。定明歲開工興辦。

同 二十八日

政府咨覆國會質問革命首領索款案……參議院咨請政府咨覆等有無索款事實。政府覆稱。確曾來函呈請清償借款二百七十萬元。當以所稱借款募款。並未附有憑證。已由財政部函致 檢送憑證在案。自應俟憑證到日。再行核議。又

衆議院議員王謝家等提出革命首領要索鉅款政府是否照允質問書。郭章鋆等提出吳大洲等要索鉅款政府會否給付質問書。張坤等提出政府有無撥付吳大洲等鉅款情事質問書。均由院咨請答覆。郭章鋆等質問書。稱吳大洲要索解散費二百四十萬元。鈕永建要索解散費九十萬元。譚人鳳要索維持費七十萬元。前

要求二百八十萬元。政府會否給付。是否

由借款中撥出。抑或別有財源。張坤等質問書。稱報載邇來向政府索款者。吳大洲一百四十萬。李烈鈞五十萬。 二百八

十萬。均經國務會議通過。其未經國務會議者。鈕永建九十萬。

譚人鳳七十萬。政府究竟有無撥付巨款情事。或撥付若干。詳細帳目若何。並將借款用途一併報告。政府答稱此次借款係爲振興實業周轉金融之用。至

鈕永建所請之款。其總額一爲二百七十萬元。一爲四十八萬二千餘元。稱爲此次恢復共和之用。中多內外債項。請政府歸還。前經國務會議議決查明憑據再議辦法。當由財政部分別函達。請將借款憑證及支出用途單據。

一併檢送。以憑核辦。並無給付之事。李烈鈞請款。准前岑都司令電稱。共計欠餉一百三十餘萬。前經財政部電復。應與陸督軍朱省長妥籌辦法。吳大洲所部編遣之費。前經本院電商張督軍由該省籌墊。至其所欠外債。則須確查另議。譚人鳳則除

前領八厘公債票三十萬元。請撥付本息。尙未核准外。查無要索維持費七十萬元之事。

●庫倫辦事員陳錄向俄商借款……庫倫辦事員陳錄。向俄商借款二百萬元。名爲短期地方借款。利息六厘。還期十年。以自

庫倫至恰克圖鐵路建設及材料購買優先權爲擔保。已訂定草約。電請政府認可。

●吳淞海軍學校畢業……吳淞海軍學校。係南京海軍官學校改組。本日舉行第二次畢業。大總統特派海軍上將薩鎮冰蒞校發給證書。

●龍濟光電請阻瓊崖鎮守使赴瓊……龍濟光自卸廣東督軍任後。

以兩廣礦務督辦。率振武軍駐瓊。近因瓊崖鎮守使陸蘭清。率軍赴任。特電請政府阻止。

同 二十九日

●參議院否決內務總長同意案……政府擬任張國淦爲內務總長同意案。經衆議院投票通過。移付參議院。本日參議院投票表決。以一百三對九十三之多數否決。

同 三十日

●令撥銀撫卹奉天被巴匪擾害地方商民……奉天於本年夏間。遭巴匪南犯。進逼突泉。蹂躪瞻榆。黨徒四出。竄擾洮南、開通、懷德、梨樹、遼源等縣。現由奉天督軍兼省長呈請撥款撫

卹。奉令。著財政部撥銀二萬元。交由該省長於被害地方。分別輕重。酌量撫卹。並督飭各該縣地方官。趕籌賑款。辦理善後。

●蒙匪陶什陶在外蒙滋擾……外蒙著名匪首陶什陶。盤踞車臣汗南部。收集匪徒萬餘人。強迫附近蒙民納稅。且援助塔布札向內蒙各旗肆擾。並聞有自稱大蒙皇帝之說。

同 三十一日

●公布參議院華僑議員選舉施行法……法見次期法令門。

●浙江省議會臨時會閉會

